



《續修四庫全書》編纂委員會編

續修四庫全書

上海古籍出版社

七四四・史部・地理類

海國圖志一百卷（卷四十四至卷一百）〔清〕魏源撰……………一

朝鮮紀事一卷〔明〕倪謙撰……………五九九

海外紀事六卷〔清〕釋大汕撰……………六〇七

日本考五卷〔明〕李言恭郝杰撰……………七二三

2154/04

海國圖志二

〔清〕魏源撰

據北京大學圖書館藏清光緒二年
魏光燾平慶涇固道署刻本影印原
書版框高一六二毫米寬二四〇毫米

海國圖志卷四十四

大西洋 歐羅巴洲

歐羅巴洲 侯官林則徐

邵陽魏源重輯

耶馬尼總記上一作熱爾瑪尼一作者爾麻尼一作亞憐馬尼一作亞憐尼一作亞憐里

耶馬尼舊轄大小部落三十有奇為歐羅巴洲諸國于諸蠻中最強當意大里亞攻取佛蘭西大呂宋時耶馬尼遣其三臣將兵乘意大里亞之空虛往侵無所獲至

耶馬尼一作亞憐里元二年漢明帝永所屬塞循之人取得英

吉利島創建部落又所屬覽麻之人取得意大里亞部

落又所屬挽特爾斯之人取得大呂宋又所屬佛耶斯

希魯里麥曼奄斯之人取得佛蘭西數部落當日盛強

震于海國然所轄部落塞循最蠻常行反側征討不息

其後國勢浸衰佛蘭西意大里亞各部背叛而去即本

國舊部若希爾阿亦自稱曰王麻注里阿塞循蠻蘭

領麥哈那注四部自稱曰祿臘引自稱曰巴臘達引敏

斯時里威司戈祿尼三部自稱曰摩循耶馬尼之國遂

分為九各自專制厥後九國統編塞循管轄塞循不保始為佛朗戈尼阿所奪繼又為麻注里阿所奪至千三百年間麻注里阿不保又為歐塞特里國所奪嗣以各部羣起改選波羅特士頓教奧地里加國之王用兵禁止不聽故溫多里舊勇之人夷等在和塞之地交鋒三十載奧地里加國不克制服各部遂得改教歐塞特里僅有統轄耶馬尼之虛名至千八百年嘉慶五年間又為普魯社所吞各部不服普魯社統轄仍自立首領各長其地各子其民不相統屬共二十五部惟各部落

之首領於每年咸集歐塞特里國會議一次申明約束

并相殘害各部中遇有大事亦至奧地里加國會議故

猶稱奧大利亞為上國以上原本

耶馬尼分國一

麻注里阿本耶馬尼部落也值耶馬尼之衰遂與諸部

背叛疆分為九自是以後強者王弱者臣始推塞循為

盟主各部咸聽其號令繼屬佛朗戈尼阿旋歸麻注里

阿至耶蘇紀年千有三百時元成宗大德四年又屬于奧地里加國繼時麻注里阿僅存本有舊部而已近百年前

始奪得勝引之數小部並魯社之噶斯巴治彌魯刺
兩小部故至今尙稱麻注里阿爲強國政事設立兩麻
占一爲總領大官大教師辦事之處一爲首領教師辦
事之處首領教師並管理文學館技藝館又每七千戶
立一頭目議事其王每屆三年聚集兩占麻之人及各
處頭目議事一次除防守及蘭威兵未載數目外額設
步兵三萬六千五百六十六名馬兵六千四百零八名
大礮手三千三百五十七名其兵自十九歲以至三十
歲者充伍

海國圖志 卷四十四 大西洋 耶馬尼國 三

貿易通志曰日爾曼國其國被列君分治民雅好文不
勤商務產銅鐵麻布五穀酒羊皮玻璃自鳴鐘北方港
口曰翰堡其進口出口之貨計價七千一百五十萬員
道光十二年入口船千八百九十六隻其南沿江之城
曰比里敏進口船千百餘隻所載入者皆南洋印度之
物此係
麻注里阿東南界與奧地里加國西疆域平蕪城邑華
麗屬員二萬九千四百六十四方里戶三百三十一萬
五千口領小部落七十三俗奉加特力教者二千一百

六十萬人波羅特士頓教者千四百四十萬人餘俱
奉出教產鹽鐵木玻璃酒紙烏鎔黃銅時辰表紅銅器
金線銀線

耶馬尼分國二

塞循亦耶馬尼舊部也其人強蠻樂關外奪英吉利內
叛本國與其王家兵戈不息值本國衰弱借諸部舉起
背叛各擯號令嗣又恃其強盛并脅諸部後爲佛郎歌
尼阿所奪遞傳至歐塞特里阿統轄時番奴競改教門
歐塞特里阿王以兵禁止終不能制各部落既改教塞

海國圖志 卷四十四 大西洋 耶馬尼國 四

循日漸衰敗非特不能保護諸部即後得波蘭所屬之
數小部亦旋失去千八百一十三年嘉慶十八年尙設兵三
萬七千近兵僅滿萬

塞循東北界與魯社南界與地平坦饒沃幅員七千四
百六十四方里戶百有十九萬二千六百四十六口領
小部落十有六俗奉波羅特士頓教產銀銅鐵鉛紙裘
裘布呢布帽襪磁器

耶馬尼分國三 今屬英吉利

哈那注南開多山國都在中央沙漠之地昔亦耶馬尼

之部落以塞循諸處背叛遂亦自爲一國百餘年前既屬英吉利管轄矣其國設立底表第百員管理各部落之事如遇改易規條增減稅餉齊集會議額設步兵八千八百二十七騎兵四千一百十三蘭威兵萬有八千。
哈那注東界普魯西界尼達蘭濱海膏腴幅員萬四千八百六十方里戶百三十萬五千三百五十口領小部落四十有六俗奉波羅特士頓教產銅鐵紅銅白鉛鹽布穀木
耶馬尼分國四
注册麥東界麻注里阿西界麻領南西有大山餘皆平原昔爲耶馬尼國中最美之部落後值耶馬尼衰弱遂與塞循諸部各自擅命其王住御什得額設立占麻二一各官辦事之處一聚集議事之所每二年會議一次額設步兵萬騎兵三千六百大礮手二千五百幅員七千七百六十九方里戶百三十九萬五千四百六十二只領小部落十有七俗奉波羅特士頓教產穀酒畜牲

耶馬尼分國五
麻領東界注册麥西界佛蘭西南彈丸小部落耳昔亦界綏沙蘭北界麻注里阿
耶馬尼所屬與塞循諸部同時分國額設兵丁萬蘭威阿兵萬蘭斯端兵十萬地不甚平而極膏沃幅員五千七百七十七方里戶百萬有三千六百三十口領小部落十有七俗奉波羅特士頓教產銀銅鐵鹽穀麥布荳蘇牲畜自鳴鐘
耶馬尼分國六三部同處
希西加司部東界麻注里阿西界威塞華里阿南界希國開示谷四一四
西覽斯達與希西覽斯達爲兄弟之國俱彈丸小區耳濱臘引河北岸屬希西加司南岸屬希西覽斯達中隔一河聯以橋梁希西加司有新舊二部舊城舊庶新城華麗昔屬耶馬尼後以塞循諸部背叛遂亦自主設奈伊立多以自理事額萬有八十山林深密幅員四千二百七十三方里戶五十三萬八千七百七十三口領小部落十有四俗奉波羅特士頓教產銀銅鐵穀麥麻
希西合麥部在希西覽斯達域內幅員百六十方里戶萬八千八百七十口獨部落案凡所屬別無小部落皆謂之獨部落希西合麥部中國無屬

縣之面 俗奉波羅特士頓教先為耶瑪尼之部落後自
隸屬 設突支以治

希西覽斯達部東北俱界希西加斯在臘引河南岸部

落蕃麗昔屬耶瑪尼後亦設額蘭突支以自主額兵九

千饒沃多山林幅員四千二百七十三方里戶六十一

萬九千四百七十口領小部落五俗奉波羅特士頓教

產銅鐵苧麻鹽烟麥

耶馬尼分國七

色西威麻東界哈爾爾領麥西界普魯社南土瘠而勤力

作幅員千四百二十七方里戶二十萬一千口領小部

落二俗奉波羅特士頓教先屬耶瑪尼後自為國產羊

鹿

耶馬尼分國八二部

墨幾領麥塞追司東界斯特里司西界領在耶馬尼北

隅中有伊彌河西岸塞追斯東岸斯特力司昔屬耶瑪

尼自與各處背叛即設額蘭突支以理政事疆域稍闊

以塞追司為首部落衙巷華麗湖景映帶其山多樹而

耕種歉薄幅員四千六百五十五方里戶四十五萬八

千三百七十八口領小部落十有五俗奉波羅特士頓

教又有脈幾領麥斯特里司東南俱界普魯社西在伊

彌河東岸先屬耶瑪尼後設額蘭突支以自治斯特里

司其首部也僅如大村市居民萬人閭先日有二女曾

嫁英吉利國王瀕湖多樹耕種薄收幅員七百六十方

里戶七萬一千七百六十九口領小部落四俗奉波羅

特士頓教

耶馬尼分國九

哈爾爾麥東西南俱界哈在耶馬尼之北卑溼多蘆葦

幅員二千二百五十二方里戶二十一萬七千七百六

十九口先屬耶瑪尼後亦設祿以自主領小部落七俗

奉加特力教

耶馬尼分國十

那肖東南俱界希西覽斯地多大山瀕緬河幅員二千

二百八十八方里戶三十萬二千七百六十九口先屬

耶瑪尼後亦設祿以自主領小部落四俗奉加特力教

產亮酒

耶馬尼分國十一

塞西俄達東界與那爾斯達西界希西
本耶瑪尼所轄普魯社之邊地也自與各部落
設祿以自主幅員一千一百六十三方里戶十八萬三千
六百八十二口俗奉波羅特士頓教富而好文學設有
書館藏書六萬卷

耶馬尼分國十二

色西各墨東南與界麻注里阿西界
幅員五百五十七方里戶八萬十二口獨部落俗奉
波羅特士頓教先屬耶馬尼後亦設祿以自主茲祿之
海國圖志卷四十四大西岸耶馬尼國九

耶馬尼分國十三

塞西敏領王東界各泰西界希西加司
兩部落塞西加爾幅員四百三十方里戶二萬九千
七百口兩部共轄于一王以色西敏領王為王居俗奉
波羅特士頓教境內有沙爾孫凝大山產鹽鐵礦

耶馬尼分國十四

特爾特爾東界與那爾斯達西界希西
為一區與塞哈爾曼麥巷哈爾各法同
為一區與塞哈爾曼麥巷哈爾各法同

三百六十方里戶五萬二千九百四十口獨部落
波羅特士頓教舊屬耶瑪尼之部落近亦設祿以自主
圖雖編小會產名人

巷哈爾曼麥四圍俱界
七千有四百六十六口獨部落俗奉波羅特士頓教舊屬耶
馬尼近亦設祿以自主

巷哈爾各凌南界特特餘
萬二千四百五十四口獨部落俗奉波羅特士頓教舊
屬耶馬尼近亦設祿以自主

耶馬尼分國十五

墨蘭斯東界與那爾斯達西界希西
百二十方里戶二十萬有九千五百二十七口獨部落
俗奉波羅特士頓教舊屬耶馬尼近亦設突支以自主
突支駐劄烏爾分母特爾前時突支政事不平部眾離
叛嗣更立突支與部眾更始

耶馬尼分國十六

斯厥先麥循那東界與那爾斯達西界希西
達同屬一區先屬耶瑪尼近亦設突支以自主幅員

百三十二方里戶五萬三千九百三十七口獨部落俗奉波羅特士頓教

耶瑪尼分國十七二部同處

和興蘇蘭喜真人四國俱界與和興蘇蘭色麻領人同屬一區彈丸小地耳分爲二部先屬耶瑪尼近設勃林士以自主幅員百有八方里戶萬四千八百二十口獨部落俗奉波羅特士頓教

和興蘇蘭色麻領人南界麻領餘俱界注鼎麥幅員三百八十六方里戶三萬五千五百六十口獨部落俗奉波羅特士頓

海國圖志卷四十四大西洲耶馬尼國主

教昔屬耶馬尼近亦設勃林士自理政事

耶馬尼分國十八

利治丁斯鼎在塞循所屬之依支麻治大山內幅員五十二方里戶五千五百四十六口獨部落俗奉波羅特士頓教先屬耶馬尼後設勃林士以自主其勃林士本歐塞特里國人家富爲歐羅巴洲之冠

耶馬尼分國十九

注爾特東南俱界希西加斯爾西北俱界威色華里阿山野地也幅員四百五十九方里戶五萬一千八百十七口領小部落二俗奉

波羅特士頓教先屬耶瑪尼後亦設勃林士以自主

耶馬尼分國二十二部同處

流斯額力司東界塞循西界塞柯阿爾鼎麥南界麻注里阿北界普魯祇與流斯色力司共有最爾之地在塞循邊界幅員百六十五方里戶二萬二千二百五十五口獨部落俗奉波羅特士頓教先屬耶瑪尼後亦設祿以自主

流斯色力司東界塞循西界塞柯阿爾鼎麥南界麻注里阿北界紹斯達幅員四百三十六方里戶五萬二千二百五十口獨部落俗奉波羅

特士頓教先屬耶瑪尼後亦設祿以自主

海國圖志卷四十四大西洲耶馬尼國主

耶馬尼分國二十一

立比領底那東界哈那注西界威塞花里阿南在哈那界立比利摩爾北界威塞花里阿在哈那注之南平壤膏沃幅員二百一十二方里戶二萬三千百十二口獨部落俗奉波羅特士頓教先屬耶瑪尼後設勃林士以自主

立比利摩爾東界哈那注北界立比領底那西南俱界威塞花里阿亦在哈那注

之南地方多山樹木叢茂幅員四百三十四方里戶六萬九千六十二口獨部落俗奉波羅特士頓教先屬耶

馬尼後亦設勃林士以自主

耶馬尼分國二十二

漢麥即來粵貿易之勝波利國在耶馬尼之北別屬一區至耶蘇千年時宋真宗三年耶馬尼王始得其地幅員百二十八方里戶十二萬三千六百四十八口獨部落俗率加特力教及背叛後即自專國設立西匿士二十八人佐理政事其西匿士由部眾公舉家貲十萬以上者充之四十年前被佛蘭西侵擾大受殘害近已相安土產糖商賈雲集

耶馬尼分國二十三

海國圖志卷四十四 大西洋 耶馬尼國
墨里門東界哈那達德俱界哈爾那麥在威薩河口幅員五十四方里戶四萬八千四百三十二口有新舊部落舊部衢巷狹房舍樸新部極華盛俗奉加特力教前設官數人事悉專斷近日必須會議部眾亦得預議

耶馬尼分國二十四

佛耶那南界希西妮斯達德俱界那肯瀕臨緬河北岸佛耶那部落南岸沙治先部落有石橋以通行人幅員百有五方里戶四萬七千八百五十口獨部落俗奉加特力教安分尚文多藏書籍及精巧器物貿易甚盛歲交易二次

耶馬尼分國二十五

魯密四國俱界幅員百十六方里戶四萬六百五十口獨部落俗奉加特力教先屬耶瑪尼後設突支以自主貿易亦鉅四十年前被佛蘭西侵擾有墨魯渣扣敵不勝砲臺被毀嗣得威引那兵來援始得退敵

耶瑪尼國沿革原無今補

職方外紀亞勒瑪尼在佛郎黎之東北南四十五度半北五十五度半西二十三東四十六度國王不世及乃其七大屬國之君所共推者或用本國之臣或用列國之君須請命教皇立之國中設共學十九所其氣候冬月極冷善造煖室微火溫之遂極煖土人散處各國以為兵極忠實可用至死不貳各國護衛宮城或從征他國親兵皆選此國人充之本國人僅參其半其工作極精巧制器匪夷所思能于戒指內納一自鳴鐘地多水澤冰堅後人多于冰上用一種木屐兩足攝之一足立冰上一足從後擊之乘滑勢一激數丈其行甚速手中尚不廢常業也又有法蘭哥地人最質而易信行旅過者輒置之客或不答則大喜延入具酒食或為計無怠

海國圖志卷四十四 大西洋 耶馬尼國

西

未室者則妻之謂此人已經嘗試可信也
造酒但沽與他方過客土人滴酒不入口惟飲水而已
即他國載酒至亦不容入境其屬國名博尼美亞者地
生金掘井恒得金塊有重十餘斤者河底常有金如豆
粒有羅得林日亞國者最侈汰西土宮室多用帷帳障
壁其王有一延客堂四周皆列珊瑚瑯玕交錯儼一屏
障又有一大銃製作極巧二刻之間可連發四十次
海鐵亞咩里隔國即耶馬尼國也在峽山正西由峽山西行約
一月可到土番為順毛烏鬼性情淳良疆域極大分國
海國圖志卷四十四 大西洋 耶馬尼國

數十各有土王不相統屬總名亞咩里隔即志中所分
天氣炎熱與南洋諸國同中有一山名沿尼路近年補
荷亞國移都于此舊都命世子監守由沿尼路西行十
餘日至彼古達里則為英吉利所轄其餘各國亦多為
荷蘭呂宋佛朗機所侵據至此者足多生蟲蠹須常洗
剔如已土產五穀鑽石金銀琥珀糖

皇清四裔考乾隆十八年欽天監正劉松齡者熟爾瑪
尼亞人其國在博爾都噶爾亞東北五千里其國王不
世及或用本國臣或用列國君請命教王立之即所謂

亞之教皇也各國王即
位必得其札付乃立其土人散處各國為兵極忠實
各國護衛宮城皆選此國人充之即所謂耶瑪尼工作
精巧所屬有法蘭哥地人質直易信多葡萄酒常
沽往他處又有屬國名博尼美亞者地生金掘井恒得
金塊有得羅得林日亞者最侈汰其王一延客堂四周皆
列珊瑚儼如屏幃由博爾都噶爾亞東北行踰伊西巴
尼亞法蘭得斯拂朗黎乃至其地云
每月統紀傳曰阿里曼國在歐羅巴列國之中間比法
蘭西國更廣大而蕃庶但國主不一猶中國昔時之列
海國圖志卷四十四 大西洋 耶馬尼國

國諸王公侯伯等各駐本都分治其邦推廣文藝遍設
學院公學院內所傳之學理有五六科學校各有本校
師學政教授一者訓示正教學習上帝聖書著耶穌之
本源如何由何國而生如何區處際遇令學士專心尋
繹此神善之學先七八年間讀書于府學院嗣後仕公
學院三年畢則進考試若考得首則為教師二者例律
學亦滿三年而考考中為各落俗雜職正印升至總職
三者醫學如未經住院三年未經考試者終不許為醫
師四者學習國政凡農事金厥水利江防橋船軍器百

工以及諸國財用進考既中各依本分就祿或掌田畝百姓或百計經營無所不隸五者雜學凡古所傳天文地理算術草木禽獸魚蟲之學金石之論萬物性情之學考中者為府學教授至于諸國之史是凡學士所必知欲進公學堂先必知二三異國音語凡漢人能通編譯者皆得入其內在阿理曼國大公學院之內有學生一千學正三四十人皆受祿無異官員令各述學問若書撰文各公學院有靈臺天體儀赤道儀地平經儀像限儀地平經緯儀環衡撫辰儀圭表等天文儀別有醫學院內各科之藝

海國圖志

卷四十四

大西洋

耶馬尼國

七

萬國全圖集日耳曼列國諸侯並興自專權勢與中國周之諸侯不異但有大事則國王特命大臣赴公會中與列國會議國中語音不異所著之書亦同其教門有二即天主與異端民性好學務藝術并中國之書皆讀悉今將各國列敘其情形焉

一曰東部有山嶺多出水銀硃砂鐵其草場廣大牧馬五萬七千牛二十七萬五千頭羊三十四萬五千頭國中有多惱大河其都城曰味隱居民三十萬丁巧造布

帛國王宮殿最壯而躬親節用與居民如父子往來和溫待人百姓同執天主教最恨妖怪風水之說而好飲食音樂女皆風流秀麗但不守節其耳城居民三萬六千丁其書院內藏書七萬本其近城有一聖處為國人燒香拜像之所厚奉金銀器物惟僧所誘惑一曰地羅里遍地山嶺居民樸實好獵佛蘭西侵其國時居民奮擊退敵因山地瘠瘠往往出遊外方一曰以利亞其南方及亞得亞海隅多山洞谷省會曰來巴居民四萬餘造磁織絹其海口曰得利益每年所進船八千其銀幣

海國圖志

卷四十四

大西洋

耶馬尼國

六

本錢甚鉅國家准其居民盡力務事不奪其時又不塞通商之路故生意甚盛一曰波希米國其形如金四界山嶺其中廣谷產五穀畜性鐵銅麻巧造玻璃器運賣外國不勝其數會城曰巴壹居民十萬語音與俄羅斯相似其學院中士子八百八十三人務文藝一曰默騰在波蘭東地僻小出麻及呢布其阿里木號為堅城一曰拜馬部乃南方之地東連東國廣袤方圓九萬方里居民四百萬丁惟古俗是崇拘泥不通現其國君建書院納士接賢以開茅塞屢與佛蘭西國結盟起兵以

攻日耳曼國之主此時舊怨已息國家七千人戶中難民推一才智之人赴京會同辦事產物不多民造美皮清玻璃等貨國都曰門占城街市秀麗與各國通市居民勤力巧藝故各揚四海其時辰表初造於此城者其名曰尼林山又有城名曰雨山又曰濃堡今雖漸衰尙多織布造器之匠

一曰威丁山西連拜國其居民百六十萬丁四面山嶺多出葡萄酒與各佳果其百姓大半奉事上帝崇拜耶穌其見識文學爲他國所景仰其國王駐在突甲都。

海國圖志 卷四十四 大西洋 耶馬尼國 元

威丁之西乃巴丁大侯邦出豈麻葡萄酒山水清美廣袤方圓萬八千方里居民百二十萬丁國餉二百萬員都城曰甲利安

一曰撒孫南連拜東等國北界出各項金銀錫雖五百年開其銀廠未窮盡也古時日耳曼國之寶盡出是山山內民人之糧夏時掘礦爲生冬時巡遊作樂北方居民禮貌和悅樸實不欺羊羣最細可作呢布別造磁器過于中國其都城曰德停王殿及天主堂與收古蹟之莊皆美過他國在來賣邑每年二次設市各商雲集尤

多諸術書冊古本新本萬萬難數每年貿易貨物價銀三百萬兩撒國西界有多列侯地方昔撒君臨死之際將其基業分與子等故多褊小之域一曰威密大侯居民聰明地居納賢以都城爲眾士之集處二曰撒可堡地方更廣內有牧場出金之山地君之子乃英國女王之夫也三曰撒黑堡屋居民三萬二千人雖少而有大臣典軍如大國無異四曰黑堡乃最小地五曰撒買得山鹽甚多撒孫國之東北尙有三侯地曰安合又分三分地雖不多而城邑曼衍其小都中美園叢林山水幽雅遊觀者不能去北界還有墨林堡兩侯之地平坦出五畜墨南屬保林帥侯地方圓千里居民二十六萬丁國餉每年銀二十萬兩又保布達離者係立北兩侯居民十萬丁互得侯居民六萬丁又大素林兩侯居民六萬丁由此侯者破魯斯國王室出也又策士兩侯居民九萬三千丁共最少者乃光石侯居民二萬丁此列侯雖無權勢卻與列大國聯姻互相唇齒其親叔爲西國大王亦與之平等往來按日耳曼國例各侯務各出兵丁與國王合會防邊遇有國敵犯境則合力拒逐但列

海國圖志 卷四十四 大西洋 耶馬尼國 辛

邦不守合和之議常有爭端故嘉慶年間爲佛蘭西國所服歷六年之久於嘉慶十六年各部募兵四萬攻拒而佛軍始散

一曰漢那耳部在撒丁之西平坦袤延方圓四萬方里居民百三十七萬丁地大半多沙近水始有腴田牧場東方山嶺出銀銅鐵白鉛每年價銀六十萬兩不出五穀而多出蜜國君於康熙五十二年被英國民人奉召即位昔與英國唇齒但道光十七年再立新君屢有爭端其都與國號同名可亡延乃大文學院藝術之士於

海國圖志卷四十四 大西洋 耶馬尼國

三

是與島漢那耳西南係墨西列侯地一曰墨西加西耳袤延方圓萬三千方里居民七十萬丁所起官兵萬八千名山出銀鐵銅一曰黑西但邑方圓二千三百里居民七十六萬丁出葡萄酒麻烟等內地城邑最大堅固者乃馬因礮臺周繞每拒退三萬之敵又那掃侯地爲列君所分者昔曾乘機驅逐荷蘭所駐強兵可謂忠勇出葡萄酒項果實不勝其數其居民多富又阿丁窪地在濱海地瘠然海口通商故地僅三百四十八里而有居民二十五萬五千每年收銀餉二十萬兩。在

日耳曼國內尚有自主之城邑不服國王各自通商設官以掌其政一曰漢堡在易北河口係各國之易市聚商雲集其船隻亦赴中國經商於道光二十二年其城大半焚燬居民十二萬丁所進出貨價銀四千二百九十有餘兩一曰北憫城居民四萬二千丁在威悉河濱其船亦赴廣東通商一曰利北邑居民二萬四千丁雖古城然生意微小一曰佛即渡乃最古城形在河邊爲各侯之公使會集內有列國駐防之軍每年開大市四方輻輳

海國圖志卷四十四 大西洋 耶馬尼國

三

其地江河最長者來因河由南至北在日耳曼國之西出荷蘭國入海如漢人之黃河也河濱活壤產葡萄有名沿河多古蹟奇峰游客皆圖畫之又多惱江在國中橫流如帶其北方則易北等河也國中居民因分服列君風俗殊異北方居民精神強健最好學南方東方之民好繁欲食西南之民勞苦度生其民往來不勝常有爭事

海國圖志卷四十五

邵陽魏源重輯

耶馬尼下

地球圖說亞利曼諸小國亦習中國文字善文武諸巧藝工吹彈唱其英吉利女王之夫亦是國人也昔本大國今已分列阿士氏拉與波路西亞二國外此又分裂許多小國又別有四城悉皆自主但有大事則分議協辦勿得自專地勢北方低陷中央與南方皆山土產五穀葡萄酒丹參煤炭銀銅錫磁器玻璃羊毛布鐘表

海國圖志卷四十五 大西洋 耶馬尼下

地理備考曰亞里曼國又名曰爾馬尼亞在歐羅巴州之中其國土自北極出地四十五度三分起至五十五度止經線自東二度三十分起至十八度止東至不魯西亞奧斯的里波羅尼加拉哥維四國西連佛蘭西賀蘭北爾日加三國南接蘇益薩意大里二國暨地中海北界北海與州中海低那馬爾加國長約二千四百里寬約二千二百里地面積方約三十三萬六千里煙戶一京三兆九億口本國除北方各地或坦夷平陽或荒砂澤國外其餘三方岡陵絡繹河之至長者九湖之至

大者十二地氣懸殊中央東方皆尚溫而西北巖寒潮溼煙瘴南方則稍和暖峻嶺登眺舒暢宜人五穀百果花卉鳥獸甚蕃土產五金及各色寶石黑白礬硝礬礪砂礬粉等至于國主或王公攝理或設官宰治變易不一所奉教有三一羅馬天主教一路得羅修教一加爾威諾修教國人奉羅馬天主教者十分之七奉路得羅修教者五分之二奉加爾威諾修教者為數無幾技藝精良商賈雲集緣本國昔多客民寄寓每遇戰鬪糾合相禦戰後仍分歸各部中間為羅馬國征服唐德

海國圖志卷四十五 大西洋 耶馬尼下

二

宗貞元中又為佛蘭西國所取梁太祖乾化元年亞里曼國人始推立官拉多為君自為一國然君非世襲由黎庶公立每有各部豪酋以勢力軍威自立為君紛紛滋亂明英宗正統三年為奧地里加國所據始定世代相傳迨嘉慶十一年佛蘭西國君那波良者既攻入奧大利亞國即更易前制另立結盟章程再越入載當歐羅巴州軍興旁午之際各國公使會集于維耶納地議定亞里曼諸國各守疆界互相結盟由此分為眾小國三十六今則與奧地里加布魯西賀蘭大尼四國會同